



МОНГОЛ УЛС
ГОВЬ-АЛТАЙ АЙМГИЙН
ЗАСАГ ДАРГЫН
ЗАХИРАМЖ

2020 оны 11 сарын 24 өдөр

Дугаар А/657

Алтай хот

┌ Байгаль орчин, аялал жуулчлалын ┐
газрын дүрэм, бүтэц орон тоог
батлах тухай


Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 29 дүгээр зүйлийн 29.2 дахь заалт, Төсвийн тухай хуулийн 65 дугаар зүйлийн 65.1.8 дахь заалт, Засгийн газрын 2016 оны 09 дүгээр тогтоол "Тамгын газрын бүтцийг шинэчлэн тогтоох тухай", Байгаль орчин, аялал жуулчлалын сайдын 2015 оны А/76 дугаар тушаалыг үндэслэн тус тус ЗАХИРАМЖЛАХ нь:

1.Аймгийн Засаг даргын дэргэдэх Байгаль орчин, аялал жуулчлалын газрын дүрмийг нэгдүгээр хавсралтаар, бүтэц орон тоог хоёрдугаар хавсралтаар тус тус баталсугай.

2.Энэхүү дүрмийг үйл ажиллагаандаа мөрдөж ажиллахыг Байгаль орчин, аялал жуулчлалын газар, дүрмийн хэрэгжилтэд хяналт тавьж ажиллахыг аймгийн Засаг даргын Тамгын газрын Хөрөнгө оруулалт, хөгжлийн бодлого төлөвлөлтийн хэлтэст тус тус үүрэг болгосугай.

3.Энэхүү захирамж гарсантай холбогдуулан Байгаль орчин, аялал жуулчлалын газрын дүрэм, бүтэц орон тоог батлах тухай аймгийн Засаг даргын 2019 оны 05 сарын 01-ний өдрийн А/180 дугаар захирамжийг хүчингүй болсонд тооцсугай.


ЗАСАГ ДАРГА



О.АМГАЛАНБААТАР

Аймгийн Засаг даргын 2010 оны
11 дугаар сарын 14 -ны өдрийн 118 дугаар
захирамжийн нэгдүгээр хавсралт

БАЙГАЛЬ ОРЧИН, АЯЛАЛ ЖУУЛЧЛАЛЫН
ГАЗРЫН ДҮРЭМ



Нэг: Нийтлэг үндэслэл

Аймгийн Байгаль орчин, аялал жуулчлалын газар нь /цаашид "газар" гэнэ/ Монгол Улсын Засгийн газрын 2016 оны 09 дүгээртогтоолоор баталсан аймгийн Засаг даргын Тамгын газрын ерөнхий бүтэц, орон тоо, удирдлагын бүдүүвчийн дагуу байгуулагдсан аймгийн нутаг дэвсгэрт байгаль орчныг хамгаалах, байгалийн баялгийг зохистой ашиглах, нөхөн сэргээх, аялал жуулчлалыг хөгжүүлэх талаар явуулж байгаа төрийн бодлого шийдвэрийг хэрэгжүүлэх үүрэг бүхий төрийн захиргааны орон нутгийн бие даасан байгууллага мөн.

2.Газрын үндсэн зорилго нь Байгаль орчин, аялал жуулчлалын хууль тогтоомжийг хэрэгжүүлэх, тухайн аймгийн нутаг дэвсгэрт байгаль хамгаалах, байгалийн баялгийг зохистой ашиглах, нөхөн сэргээх, байгаль орчин, аялал жуулчлалын мэдээллийн сан бүрдүүлэх, аялал жуулчлалыг тогтвортой хөгжүүлэх, ус цаг уур орчны шинжилгээний ажилд дэмжлэг үзүүлэх, байгаль орчин, аялал жуулчлалын сургалт, судалгаа, сурталчилгааны ажлыг гүйцэтгэхэд оршино.

3.Газар нь аймгийн Засаг даргын эрхлэх асуудлын хүрээнд үйл ажиллагаагаа явуулж, байгаль орчин, аялал жуулчлалын асуудал эрхэлсэн төрийн захиргааны төв байгууллага болон Засгийн газрын холбогдох агентлагууд, Иргэдийн төлөөлөгчдийн хурал, Засаг даргын бодлого, шийдвэр болон энэхүү дүрмийг удирдлага болгон Сав газрын захиргаад, Тусгай хамгаалалттай газрын хамгаалалтын захиргаадтай ажлын уялдааг хангаж ажиллана.

4.Газар нь аймгийн хэмжээний байгаль орчныг хамгаалах, аялал жуулчлалыг хөгжүүлэх ажлыг мэргэшил, арга зүйн удирдлагаар тогтмол хангаж, хэрэглэгчдийг байгаль орчны мэдээллээр хангах экологийн боловсролыг дээшлүүлэх ажлыг зохион байгуулна.

5.Газар нь тогтоосон журмаар хийгдсэн тэмдэг, албан бичгийн хэвлэмэл хуудас хэрэглэх ба банкинд харилцах данстай байна.

Хоёр: Газрын удирдлага, бүтэц

1.Аймгийн Байгаль орчин аялал жуулчлалын газрын даргыг Байгаль орчин, аялал жуулчлалын асуудал эрхэлсэн төрийн захиргааны төв байгууллагатай зөвшилцсөний үндсэн дээр аймгийн Засаг дарга томилно.

2. Газрын дарга нь дор дурдсан эрх, үүрэгтэй ажиллана. Үүнд:

2.1.Газрын өдөр тутмын үйл ажиллагааг удирдан зохион байгуулах.

2.2.Газрын дотоод нэгжүүдийн үйл ажиллагааны чиглэл, албан тушаалын тодорхойлолтыг батлах, төрийн захиргааны албан хаагчидтай гүйцэтгэлийн төлөвлөгөө, үйлчилгээний ажилтнуудтай гэрээ байгуулж ажиллах, үр дүнг дүгнэх

2.3.Газрын албан хаагчдыг зохих журмын дагуу томилох, чөлөөлөх, ажилтнуудыг шагнах, урамшуулал олгох асуудлыг шийдвэрлүүлэх

2.4. Батлагдсан төсвийг захиран зарцуулах.

2.5.Газрын нэрийн өмнөөс бусад байгууллагуудтай харилцах, хамтран ажиллах

2.6. Эрх хэмжээнийхээ асуудлаар тушаал гаргаж, биелэлтийг хангуулах

2.7.Газрын үйл ажиллагаатай холбоотой мэдээллээр аймгийн Иргэдийн Төлөөлөгчдийн Хурал, Засаг даргыг бүрэн хангах

2.8.Газрын үйл ажиллагаатай холбоотой асуудлаар гарсан хууль тогтоомж Улсын Их Хурал, Засгийн газрын тогтоол шийдвэр, байгаль орчин, аялал жуулчлалын

асуудал эрхэлсэн төрийн захиргаа төв байгууллага болон холбогдох агентлаг, аймгийн Иргэдийн Төлөөлөгчдийн Хурал, Засаг даргын шийдвэрийг хэрэгжүүлэх ажлыг Төсвийн тухай хууль, Төрийн албаны тухай хуулийн дагуу гүйцэтгэлийн төлөвлөгөө батлуулан, хэрэгжилтийг зохион байгуулна.

2.9. Аймгийн Засаг дарга сумдын Засаг даргатай хамтран ажиллах гэрээнд тусгах байгаль орчны ажлын чиглэл, шалгуур үзүүлэлтийг сумын онцлогтой уялдуулан боловсруулж, Засаг дарга нарт дэмжлэг үзүүлэх

2.10. Газрын бүрэлдэхүүнд Ой, хүрээлэн буй орчин, байгалийн нөөцийн асуудал хариуцсан алба ажиллуулах, Сум дундын ойн ангийг харъяапах

2.11. Газрын ажилтнууд, байгаль хамгаалагч нарын мэргэжил боловсролыг дээшлүүлэх, давтан сургах, дадлага туршлагажуулахад туслалцаа үзүүлэх

2.12. Байгаль орчны нөхөрлөлийн ахлагч нарт мэргэжлийн арга зүйн болон бусад чиглэлээр дэмжлэг, туслалцаа үзүүлэх ажлыг зохион байгуулах

2.13. Байгаль орчны зарим тулгамдсан асуудал бүрээр хөтөлбөр санаачлан боловсруулж, батлуулан хэрэгжилтийг хангуулах

2.14. Сумдын байгаль хамгаалагч, идэвхтэн байгаль хамгаалагчийг холбогдох хууль, тогтоомж, журмын дагуу томилох, чөлөөлөх, мэргэжил арга зүйн удирдлагаар хангаж ажиллах

Гурав. Газрын хэрэгжүүлэх үйл ажиллагааны чиглэл

3.1. Монгол улсын Засгийн газрын үйл ажиллагааны хөтөлбөр, "Хүний аюулгүй байдлыг хангах сайн засаглал" хөтөлбөр, Улсын Их Хурал, Засгийн газар, Байгаль орчин, аялал жуулчлалын сайдын шийдвэрээр батлагдсан байгаль орчин, аялал жуулчлалын чиглэлийн бодлогын баримт бичиг, хөтөлбөр, нийтээр дагаж мөрдөх дүрэм, журам, "Аймгийн Засаг даргын мөрийн хөтөлбөр"-т байгалийн нөөц баялгийг хамгаалах, зүй зохистой ашиглах, нөхөн сэргээх талаар тусгагдсан зорилт, арга хэмжээнүүдийн хэрэгжилтийг аймгийн хэмжээнд зохион байгуулах

3.2. Байгаль орчин, аялал жуулчлалын салбарын дүрэм, журам стандартуудыг мөрдүүлэх, сурталчлах, хэрэгжилтэд хяналт тавих

3.3. Байгалийн нөөц ашигласны төлбөрийн орлогоос байгаль орчныг хамгаалах, байгалийн нөөцийг нөхөн сэргээх арга хэмжээнд зарцуулах хөрөнгийн эх үүсвэрийн асуудлыг холбогдох байгууллагад тавьж шийдвэрлүүлэх замаар санхүүгийн баталгаатай эх үүсвэрийг буй болгож, эдгээр хөрөнгөөр аймаг, сум, орон нутагт хэрэгжүүлэх төсөл, арга хэмжээг сонгон шалгаруулж, хэрэгжилтийг зохион байгуулах

3.4. Аймгийн Засаг даргатай Байгаль орчин, аялал жуулчлалын сайдын байгуулсан хамтран ажиллах гэрээнд тусгагдсан тодорхой арга хэмжээг хэрэгжүүлэх ажлыг хариуцан зохион байгуулах

3.5. Сумдын хэмжээнд хэрэгжүүлэх байгаль орчны арга хэмжээг жил, улирлаар төлөвлөн зохион байгуулж дүгнэх

3.6. Байгаль хамгаалагчдыг сонгох, мэргэжлийн удирдлагаар байнга хангаж, тэдний үйл ажиллагаанд үнэлэлт дүгнэлт өгч, шагнаж урамшуулах

3.7. Байгаль хамгаалагчдыг бие хамгаалах техник хэрэгсэл, унаагаар хангах, тэдний нийгмийн асуудлыг шийдвэрлэхэд дэмжлэг үзүүлэх

3.8. Байгалийн болон аялал жуулчлалын нөөц баялгийн талаарх мэдээллийн сангийн үйл ажиллагааг эрхлэн, холбогдох байгууллага, иргэдэд байгаль орчны мэдээллээр үйлчлэх

3.9. "Байгаль орчныг хамгаалах тухай" хуулийн 35 дугаар зүйлийн 35.1, 37 дугаар зүйлийн 37.1 дэх заалтуудыг жишиг болгон байгаль орчны мэдээллийн улсын сангийн мэдээ, баримтыг бүрдүүлэн Байгаль орчин, аялал жуулчлалын яаманд хуулийн хугацаанд ирүүлж байх

3.10. Байгаль орчинд нөлөөлөх байдлын үнэлгээний тухай хуулийн хэрэгжилтийг ханган, төслүүдийг үнэлгээнд бүрэн хамруулах, аж ахуйн нэгж байгууллагуудын байгаль

орчинд нөлөөлөх байдлын үнэлгээ, орчны хяналт шинжилгээний хөтөлбөрийн хэрэгжилтэнд хяналт тавьж, хуулийн дагуу эрх үүргийнхээ хүрээнд гаргасан ерөнхий үнэлгээний дүгнэлтийн талаархи тайланг жил бүр Байгаль орчин, аялал жуулчлалын яаманд хүргүүлж байх

3.11.Иргэдийн эрүүл, аюулгүй орчинд амьдрах нөхцөлийг хангах зорилгоор ногоон орчин бүрдүүлэхэд дэмжлэг үзүүлэх. Энэ ажилд байгууллага, иргэдийн хүч оролцоо, хөрөнгө оруулалтыг нэмэгдүүлэх ажлыг зохион байгуулах

3.12.Нутгийн ард иргэд, аж ахуйн нэгж, байгууллагуудын дунд байгаль орчныг хамгаалах болон аялал жуулчлалын тухай хууль тогтоомжийг сурталчлах, иргэдэд экологийн боловсрол олгох ажлыг зохион байгуулан мэргэжлийн ажилчдыг сургах, давтан сургах боловсон хүчний мэдлэг боловсролыг дээшлүүлэх арга хэмжээг орон нутагаа хэрэгжүүлэх.

3.13.Ой, ус, ургамал, ан амьтан зэрэг, байгалийн баялгийг хамгаалах, нөхөн сэргээх, зохистой ашиглахад зориулсан хялбарчилсан гарын авлага, зөвлөмж боловсруулан нийтийн хүртээл болгох.

3.14.Байгаль орчныг хамгаалах ажилд иргэд, аж ахуйн нэгж байгууллагын оролцоог өргөжүүлж, тэдний санал хүсэлт, мэдээллийг хүлээн авч хэрэгжүүлэх арга хэмжээг авах.

3.15.Нутгийн иргэдэд түшиглэсэн байгалийн нөөцийн менежментийг бүрдүүлэх, түүнд холбогдох талуудын оролцоог хянах ажлыг зохион байгуулах

3.16.Байгаль орчин, аялал жуулчлалын холбогдолтой судалгаа, шинжилгээний ажил эрхлэх, шаардлагатай тохиолдолд холбогдох мэргэжлийн болон эрдэм шинжилгээний байгууллагатай гэрээ байгуулж гүйцэтгүүлэх, үр дүнг хүлээн авах

3.17.Аймгийн нутаг дэвсгэрт байгаа ой, ус, ургамал, ан амьтан зэрэг байгалийн нөөц баялаг, түүнээс ашиглаж болох тоо хэмжээг нарийвчлан тогтоолгох, тэдгээрийг мөрдүүлж ажиллах

3.18.Ой, ус, ургамал, амьтан зэрэг байгалийн баялгийг хамгаалах, нөхөн сэргээх арга хэмжээг хэрэгжүүлэх, улсын захиалга, даалгаварт ажлын хэрэгжилтийг орон нутагт зохион байгуулах, агаар, ус, хөрсийг бохирдлоос хамгаалах, хяналт шинжилгээ хийх асуудлыг хариуцан зохион байгуулах, энэ ажилд ус цаг уур орчны шинжилгээний албыг татан оролцуулах, хог хаягдал, химийн бодисын менежментийг хэрэгжүүлэх, ой хээрийн түймрээс сэргийлэх ажлыг зохион байгуулах, экосистемд учирсан хохирлын талаар мэргэжлийн дүгнэлт гаргах, хохирлыг нөхөн төлүүлэх талаар хууль хяналтын байгууллагад хандах

3.19.Байгаль орчныг доройтлоос хамгаалах, нөхөн сэргээх, үүний дотор ойжуулах, ойн аж ахуйн арга хэмжээг хэрэгжүүлэх, халгүй хаягдалгүй технологи нэвтрүүлэх арга хэмжээг зохион байгуулах, тухайн аймагт энэ чиглэлээр үйл ажиллагаа явуулж буй иргэд болон ой, ус, ургамал, ангийн мэргэжлийн байгууллагуудын үйл ажиллагааг зохицуулах

Дөрөв. Газрын санхүүжилт


4.1.Газрын санхүүжилт дор дурдсан эх үүсвэрээс бүрдэнэ. Үүнд:

4.1.1.Батлагдсан төсөв

4.1.2.“Байгалийн нөөц ашигласны төлбөрийн орлогоос байгаль орчныг хамгаалах, байгалийн баялгийг нөхөн сэргээх арга хэмжээнд зарцуулах хөрөнгийн хувь хэмжээний тухай” хуулиар зохицуулагдах хөрөнгийн тодорхой хэсэг

4.1.3.Газрын өөрийн хөрөнгө, хууль тогтоомжийн хүрээнд явуулсан үйл ажиллагааны орлого

Аймгийн Засаг даргын 2020 оны
11 дугаар сарын 24 ны өдрийн 4157 дугаар
захирамжийн хоёрдугаар хавсралт



БАЙГАЛЬ ОРЧИН, АЯЛАЛ ЖУУЛЧЛАЛЫН
ГАЗРЫН ОРОН ТОО, БҮТЭЦ

ДАРГА-1

Ой, хүрээлэн буй орчин, байгалийн нөөцийн албаны дарга -1	Нягтлан бодогч -1
Байгаль орчин, аялал жуулчлалын салбарын бодлого төлөвлөлт, хүний нөөц, тусгай хамгаалалттай газрын асуудал хариуцсан ахлах мэргэжилтэн-1	Нярав -1
Амьтны асуудал, статистик мэдээллийн сан, мэдээллийн технологи хариуцсан мэргэжилтэн-1	Архив, бичиг хэргийн эрхлэгч-1
Газар, газрын хэвлий, түүний баялгийн ашиглалт хамгаалалт, нөхөн сэргээлт, байгаль орчинд нөлөөлөх байдлын үнэлгээ, цөлжилтийн асуудал хариуцсан мэргэжилтэн-1	Жолооч -1
Ой, ургамал, байгалийн гамшгийн асуудал хариуцсан мэргэжилтэн-1	Үйлчлэгч -1
Усны нөөц, ашиглалт хамгаалалт, төрийн бус байгууллага хариуцсан мэргэжилтэн-1	Харуул хамгаалалтын ажилтан- 4
Орчны бохирдол, хог хаягдал, химийн бодисын асуудал хариуцсан мэргэжилтэн-1	
Аялал жуулчлалын асуудал хариуцсан мэргэжилтэн-2	
Шийдвэрийн биелэлт, дотоод хяналт, мэдээлэл сурталчилгаа хариуцсан мэргэжилтэн-1	
Байгаль хамгаалагч-23	